

存神燒香

香官使者左右龍虎君侍香諸靈官當令臣宿啓建壇行道之所自然生金液丹碧芝英百靈衆真交會在此香火爐前令臣學道得道求仙得仙齋官蒙福幽顯常思十方仙童玉女接待蘭煙傳臣向來所啓之誠速達徑御

至真无極大道

中天二大尊帝

九皇玉宸道君御前

出堂頌

引至幕

謝師

靈寶領教濟度金書卷之二百十五

靈寶領教濟度金書卷之二百十六 章四

洞微高士問光救苦真人竇金真授

靈寶通玄弘教水南先生林靈真編

科儀立成品從錄齊用

散壇儀

啓堂頌

各禮師存念如法

宣衛靈呪

五星列照 煥明五方 水星却災 木德致昌

榮感消禍 太白辟兵 鎮星四據 家國利亨

名刊玉簡 字錄帝房 乘應扇景 飛騰太空

出入冥元 遊宴十方 五雲浮蓋 招神攝風

役使萬靈 上衛仙翁

鳴法鼓二十四通

無上三天九皇玉帝當召九皇靈官飛龍騎

史綉衣使者三炁正神急上關啓玄壇土地

方域神真臣今散壇行道謹奉為入意其諸

丹悃已錄奏聞願得

元皇正炁來合臣身令臣所啓速達徑御

至真无極大道

中天二大尊帝

九皇玉宸道君御前

請稱法位

具位奉行玄靈瓊瑤妙齋法事小兆臣與

臨壇官衆等今故燒香願以是功德上為天

子王侯土地官長七世父母九族姻親臣等

三師四友係代學真天下兆庶以至蠻夷戎

狄鱗甲羽毛一切衆生無邊無量皈身皈神

皈命斗中大道九晨上真乞垂原赦積生今

世宿罪重過得免罹三災四煞五行六害七

傷八難九星天羅地網二十四厄之中智慧

性圓道心開發出群迷徑入希夷門永脫輪

迴超升成道逍遙雲際升入金門與聖合真

永不輪轉所啓玄感上御

至真无極道前

禮九晨九位同只

至心皈命中天大聖北斗貪狼陽明星君

坐懺

法衆等志心皈身皈神皈命斗中大道九

晨上真以今行道散壇焚香禮懺臣聞瓊瑤

立象司七政以承天豁落垂精步九靈而制地幸舉超朝之禮重殫扣陛之誠百拜敷陳一忱罄折猶慮臣等惡根未翦善藥難滋三業風行徒奉懺罪消災之典六情霧縕莫明皈真知命之方功期紀於丹書過悉消於黑簿格希海育庶副冰兢凝玉相於明堂誓宏真業混金光於玄極永奉神猷臣等志心稽首禮謝

无上至真三寶

三啓頌

樂法以為妻 愛經如珠玉 持戒制六情 念道遣所欲 澹泊正氣傳 蕭然神靜默 天魔並敬護 世世受大福

鬱鬱家國威

濟濟經道興

天人同其碩

縹緲入大乘

因心立福田

靡靡法輪昇

七祖生天堂

我身白日騰

又

大道徧玄虛 有念無不契 鍊質入仙真 遂成金剛體 超度三界難 地獄五苦解

悉歸太上經 靜念稽首禮

三禮

臣等志心稽首禮

太上无極大道

臣等志心稽首禮

三十六部尊經

臣等志心稽首禮

玄中大法師

重稱法位

具位謹重誠上啓

斗極祖師洞真大道元始天尊斗極宗師洞

玄大道太上道君斗極真師洞神大道太上

老君玉皇大天尊玄高上帝斗中之尊天

皇大帝斗中之主紫微大帝北斗高上玉皇

尊帝君太微玉帝玄卿大帝君北斗太尉陽

明貪狼玉晨君北斗上宰陰精巨門玉晨君

北斗司空真人禄存玉晨君北斗遊擊玄冥

文曲玉晨君北斗斗君丹元廉貞玉晨君北

斗太常北極武曲玉晨君北斗上帝天關破

軍玉晨君北斗玉帝洞明外輔玉晨君北斗

帝真隱光內弼玉晨君斗中天罡萬真節度

奎光帝君北斗九皇夫人九陰內妃三台華

蓋星君三官五帝九府四司斗中道德諸君

無執聖衆六十甲子本命星君玄中大法師

三天大法師寶上真人二仙使者九官官屬

一切真靈臣等性惟樗散惡稟梨昏入室心

悠徒佩九光之鳳檢面墻志鬱未明八會之

龍章期息影於山林乃和光於塵棘功無絲

粟過有淵陵宏道憲天誓炳丹青之貞操學

真領教庸殫金石之堅盟庶贊天工上禋帝

化凡有投告盡為開聞

宣詞

按如詞言備殫激切臣等宿導寶範崇建瑤

壇擁環珮以陸離羅旌旄而容與銀簫百和

紫煙龍罩於天衢瑤簾九成清炁盤旋於禁

路寶花四雨鈞樂九成珠葆金幢象洞淵之

妙靈翠旗玉蓋傲闔闔之崇嚴合庶職以對

揚會千官而載觀自今月某日為始為齋主

奉榮建某齋三宣夜導引和氣消殄災氛公

私無侵擾之進門戶有昇平之喜果蒙妙感

普錫着履冠絕陰陽樂天和於泰定災潛經緯融人事於高門以今齋事慶成善功遐著天人均慶幽顯交歡南控驂樞將返歲鞋之仗北瞻華蓋漸收晦霧之鞘旋萬聖於清虛復聚真於碧落進班遷賞當校錄於丹章崇德報功宜驛呈於朱表臣等殫忱獻納潔已對揚玉格霜明慮觸四司之簡金科日赫懼貽五帝之書期捨舊以圖新庶立功而補過則上明天尊大慈之化下副臣等皈命之誠謹啓以聞。

宣表 納官

起鎮

玄靈起鎮天尊

玄靈真丈請師起鎮師執真丈者上齋之念

巨謹重誠上啓

北斗九皇玉晨道君以今奉為齋主某崇建三五瓊璣妙齋夙宵行道禮念玄真仰荷恩先俯垂監映法筵告罷齋事圓成重啓真文再揚妙化伏願中天玄靈童子明承中天消

災內音玉字告下諸天諸地無極無窮真曹官屬為弟子消災解厄保命延生削罪除殃迎祥衍慶遵依典令火急奉行

无上玉文神仙至真一三五變消災延生无極无形中告瓊璣日月五星飛流慧宇

一切真靈下告山川嶽瀆丘陵小兆弟子敬奉微誠今日告齋行道誦經乞消罪錄丹編紀名禍不橫涂災不輕生消災解厄保命延齡快樂無窮壽量可稱身心康泰一切尊榮高上告命萬神敬聽

向來宣演玄靈消災內音玉字功德周圍伏願天錫壽齡神資福祉解厄難二十四種永無魔障之侵全應驗一十五條常有康寧之被稽首皈依无極大道

發願

- 一願乾坤明素
- 二願氣象清玄
- 三願聖人萬壽
- 四願化洽八埏
- 五願天垂甘露
- 六願地發祥煙
- 七願四時應候
- 八願萬物生全
- 九願家多孝悌
- 十願國富才賢

十二願齋功廣被

十二願善瑞日臻

存神燒香

香官使者左右龍虎君侍香諸靈官當今日行道散齋之所自然生金液丹碧芝英百靈衆真交會在此香火爐前令臣學道得道求仙得仙齋官蒙福幽顯露恩十方仙童玉女接待蘭煙傳臣向來所啓之誠速達徑御至真无極大道

中天二大尊帝

九皇玉宸道君御前

出堂頌

引至幕

謝師

靈寶領教濟度金書卷之二百十六